

背骨突出，经仍不行，故再求诊！余闻而骇然，深悔前药之误。然病已奄奄，尤不能不一尽心力。第察其情状，皮骨仅存，少腹胀硬，重按痛益甚。此瘀积内结，不攻其瘀，病焉能除？又虑其元气已伤，恐不胜攻，思先补之。然补能恋邪，尤为不可。于是决以抵当汤予之。

虻虫一钱 水蛭一钱 大黄五钱

桃仁五十粒

明日母女复偕，知如下黑瘀甚多，胀减痛平。唯脉虚甚，不宜再下，乃以生地、黄芪、当归、潞党参、川芎、白芍、陈皮、茺蔚子活血行气，导其瘀积。一剂之后，遂不复来。后六年，值于途，已生子，年四五岁矣。

姜佐景按：丸药之效否，与其原料之是否道地，修合之是否如法，储藏之是否妥善，在在有关，故服大黄蛰虫丸而未效者，不能即谓此丸竟无用也。

癸酉正月，予于四明陈姓少年见之。其证肌肤甲错，腹部外皮焦黑，按之刺手，渴饮，彻夜不寐，大便累日不行，予因其内有干血也，用百合地黄合桃核承气轻剂。当晚下黑血无算，下后觉恶寒甚。天明，肢厥脉伏，病家大惊，乃就近延四明某医士投以炮姜、附子，脉出身和，后予以附子理中继之。已得安睡，并能食，病家以为无患矣。后闻于六七日后，病者一寐不醒。盖干血虽去而正气不支矣。然后叹时著男子非止女身之说，信而有徵也。

【按】这是一个死亡病例，干血去而正气不支。由此认为干血之病男子也有。

148. 妊娠腹块

华宗海之母

丁卯新秋,经停十月,腹不甚大而胀。始由丁医用疏气行血药,即不觉胀满,饮食如常人。经西医考验,则谓腹中有胎,为腐败之物压住,不得长大。欲攻而去之,势必伤胎。宗海邀余赴锡诊